

اتوار 8 ستمبر، 2019ء

مضمون۔ انسان

سنہری متن: 1 کرنتھیوں 15 باب 10 آیت

”پر جو کچھ واں رب دے فضل نال واں تے اوہدا فضل جیہڑا میرے اُتے ہو یا اوہ بے فائدہ نہیں ہو یا بلکہ میں اوہناں ساریاں نالوں بوہتی محنت کیتی تے ایہہ میرے ولوں نہیں ہوئی بلکہ رب دے فضل نال جیہڑا میرے اُتے سی۔“

جوابی پڑھائی: زبور 8: 1 توں 6 آیتاں

1۔ اے خداوند ساڈے رب! تیرا ناں ساری دھرتی اُتے کنہاں بزرگ اے! توں اپنا جلال آسمان اُتے قائم کیتا۔

2۔ توں اپنے مخالفان دے پاروں بچیاں تے شیر خواراں دے منہ توں قدرت نوں قائم کیتا تاں جو توں ویری تے بدلہ لین والے نوں خاموش کر دیویں۔

3۔ جدوں میں تیرے آسمان اُتے جیہڑا تیری دستکاری اے تے چن تے تاریاں اُتے جنہاں نوں توں مقرر کیتا دھیان کرداواں۔

- 4- تے فیر انسان کیہ اے پئی توں اوہنوں یاد رکھیں تے آدم زاد کیہ اے پئی توں اوہدی خبر لوئیں؟
- 5- کیوں جے توں اوہنوں رب نالوں کجھ ای گھٹ بنایا اے تے جلال تے شوکت نال اوہنوں تاجدار کردائیں۔
- 6- توں اوہنوں اپنی دستکاری اُتے تسلط بخشیا۔ توں سب کجھ اوہدے پیراں میٹھاں کردتا اے۔

درسی وعظ

بائبل وچوں

1- یسعیاہ 1 باب 18 آیت

18- خداوند فرماؤندا اے آؤ اسی کٹھے حجت کرئیے۔ بھانویں تہاڈے پاپ قرمزی ہوون اوہ برف وانگر چٹے ہو
جاون گے تے ہر چند تے ارغوانی ہوون

2- یسعیاہ 55 باب 1 توں 3، 6، 7 آیتاں

1- اے سارے تریا یو پانی دے کول آؤتے اوہ وی جیدے کول پیسہ نہ ہووے۔ آوول لوو تے کھاؤ۔ ہاں آؤ تے دودھ بغیر روپے پیسے دے خریدو۔

2- تسی کیوں اپنا روپیہ اوس شے لئی جیہڑی روٹی نہیں تے اپنی محنت اوس شے لئی جیہڑی ر جھاؤندی نہیں خرچ کر دے او؟ تسی دھیان نال میری سنو تے ہر اوہ شے جیہڑی چنگی اے کھاؤ تے تہاڈی جان فر بہی توں لذت پاوے۔

3- کن لاؤتے میرے کول آؤتے سنو تے تہاڈی جان جیوندی رہوے گی تے میں تہانوں ہمیشہ داعہد یعنی داؤد دیاں سچیاں نعمتاں بخشاں گا۔

6- جدوں تیکر خداوند مل سکدا اے اوہدے طالب ہوو۔ جدوں تیکر اوہ نیسٹے اے اوہنوں پکارو۔

7- شریر اپنی راہوں جھڈ دیوے تے بدکار اپنے خیالاں نوں تے اوہ خداوند ول پھرن تے اوہ اوہدے اُتے رحم کرے گاتے ساڈے خداوند ول کیوں بے اوہ کثرت نال معاف کرے گا۔

3- یوحنا 3 باب 16 توں 18 (توں):

16- کیوں بے رب نے جگ نال اچھی محبت رکھی پئی اوہنے اپنا کلا پتر بخش دتا تاں جوں جو کوئی اوہدے اُتے ایمان لیاوے ہلاک نہ ہووے بلکہ ہمیشہ دی حیاتی پاوے۔

17- کیوں بے رب نے پتر نوں جگ وچ ایس لئی نہیں گھلایا پئی جگ اُتے سزا دا حکم کرے بلکہ جگ اوہدے پاروں ملتی پاوے۔

18- جیہڑا اوہدے اُتے ایمان لیاوند اے اوہدے اُتے سزا دا حکم نہیں ہندا۔

4۔ لوقا 7 باب 36 توں 50 آیتاں

36۔ فیرکسے فریسی نے اوہدی منت کیتی پئی میرے نال کھانا کھا۔ ایس لئی اوہ فریسی دے گھر جا کے کھانا کھان
بیٹھیا۔

37۔ تے ویکھو اک بد چلن عورت جیہڑی اوس شہر دی سی ایہہ جان کے پئی اوہ اوس فریسی دے گھر کھانا کھان
بیٹھیا اے سنگِ مرمر دے عطر دان وچ عطر لیا۔

38۔ تے اوہدے پیراں دے کول روندی ہوئی مگر کھلو کے اتھر و نواں نال اوہدے پیر پین لگی تے اپنے سر
دے والاں نال اوہناں نوں پونجھیا تے اوہدے پیر بوہت چھتے تے اوہناں اُتے عطر لایا۔

39۔ اوہدی دعوت کرن والا فریسی ایہہ ویکھ کے اپنے دل وچ آکھن لگیا پئی جے ایہہ بندہ نبی ہندا تے جان داپئی
جیہڑی اوہنوں چھوندی اے اوہ کون تے کینج دی بڈھی اے کیوں جے بد چلن اے۔

40۔ یسوع نے جواب وچ اوہنوں آکھیا اے شمعون میں تینوں کجھ آکھنا اے۔ اوہنے آکھیا اے استاد آکھ۔

41۔ کسے ساہوکار دے دو قرضدار سی۔ اک پنج سو دینار داد و جا پنجاہ دا۔

42۔ جدوں اوہناں دے کول ادا کرن نوں کجھ نہ رہیا تے اوہنے دونواں نوں بخش دتا۔ ایس لئی اوہناں وچوں
کیہڑا اوہدے نال بوہتی محبت رکھے گا؟

43۔ شمعون نے جواب دتا میری سمجھ وچ اوہ جنہوں اوہنے بوہتا بخشیا۔ اوہنے اوہنوں آکھیا توں ٹھیک فیصلہ
کیتا۔

44۔ تے اوس بُڈھی ول مڑ کے اوہنے شمعون نوں آکھیا کیہ ٹوں ایس بُڈھی نوں دیکھد ایں؟ میں تیرے گھر وچ آیا توں میرے پیر دھوون لئی پانی نہ دتا پر ایہنے میرے پیر اتھر و نواں نال دھو دتے تے اپنے والاں نال پونجھے۔

45۔ ٹوں مینوں بوسہ نہ دتا پر ایہنے جدوں دا میں آیا واں میرے پیر چمنانہ چھڈے۔

46۔ ٹوں میرے سر اُتے تیل نہ لایا پر ایہنے میرے پیراں اُتے عطر لایا۔

47۔ ایسے لئی میں تینوں آکھدا واں پئی ایہدے پاپ جیہڑے بوہت سی معاف ہوئے کیوں جے ایہنے بوہت محبت کیتی پر جیدے تھوڑے پاپ معاف ہوئے اوہ تھوڑی محبت کر دا اے۔

48۔ تے اوس بُڈھی نوں آکھیا تیرے پاپ معاف ہوئے۔

49۔ ایہدے تے اوہ جیہڑے اوہدے نال کھانا کھان بیٹھے سی اپنے دل وچ آکھن لگے پئی ایہہ کون اے جیہڑا پاپ وی معاف کر دا اے؟

50۔ پر اوہنے بُڈھی نوں آکھیا تیرے ایمان نے تینوں بچا لیا اے۔ سلامت تڑ جا۔

5۔ یوحنا 1 باب 12 (جنتوں نے) توں 14، 16 آیتاں

12۔۔۔ جنہیاں نے اوہنوں قبول کیتا اوہنے اوہناں نوں رب دے پتر بنن دا حق بخشیا یعنی اوہناں نوں جیہڑے اوہدے نال اُتے ایمان لیاؤندے نیں۔

13۔ اوہ نہ لو توتوں، نہ بدن دی خواہش توں نہ انسان دے ارادے توں بلکہ رب توں پیدا ہوئے۔

14- تے کلام مجسم ہوئی تے فضل تے سچائی نال معمور ہو کے ساڈے وچکار رہیا تے اسی اوہدا اجیہا جلال ویکھیا
جیویں پیو دے اکلوتے دا۔

16- کیوں جے اوہدی معموری وچوں اسی ساریاں نے پایا یعنی فضل اُتے فضل۔

6- افسیوں 2 باب 4 (رب)، 5 آیتاں

4- پر رب نے اپنے رحم دی دولت توں اوس وڈھی محبت دے پاروں جیہڑی اوہنے ساڈے نال کیتی۔

5- جدوں قصوراں دے پاروں مردہ ای سی تے ساہنوں مسیح دے نال زندہ کیتا (تہانوں فضل نال ای مکتی ملی
اے)۔

7- رومیوں 8 باب 1 توں 4 آیتاں

1- ایس لئی ہن جیہڑے مسیح یسوع وچ نیں اوہناں اُتے سزا دا حکم نہیں۔

2- کیوں جے حیاتی دے روح دی شریعت نے مسیح یسوع وچ مینوں پاپ تے موت دی شریعت توں آزاد کر
دتا۔

3- ایس لئی پی جیہڑا کم شریعت بدن دے پاروں ماڑی ہو کے نہ کر سکی اوہ رب نے کیتا یعنی اوہنے اپنے پترنوں
پاپ والے بدن دی صورت وچ تے پاپ دی قربانی لئی گھل کے بدن وچ پاپ دی سزا دا حکم دتا۔

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاے۔

4- تاں جوں شریعت دا تقاضا ساڈے وچ پورا ہووے جیہڑے بدن دے مطابق نہیں بلکہ روح دے مطابق
ٹردے نیں۔

8- طیٹس 2 باب 11 توں 14 آیتاں

- 11- کیوں جے رب دا وہ فضل ظاہر ہو یا اے جیہڑا سارے بندیاں دی مکتی دی وجہ اے۔
- 12- تے ساہنوں تربیت دیندا اے پئی بے دینی تے دنیاوی خواہشاں دا انکار کر کے ایس موجودہ جہان وچ پرہیز
گاری، راستبازی تے دینداری دے نال حیاتی گزارینے۔
- 13- تے اوس مبارک آس یعنی اپنے بزرگ رب تے منجی یسوع مسیح دے جلال دے ظاہر ہوون دی اڈیک
کردے رہے۔
- 14- جنہے اپنے آپ نوں ساڈے لئی دے دتا تاں جوں فدیہ ہو کے ساہنوں ہر طراں دی بے دینی توں چھڑا
لوے تے پاک کر کے اپنی خاص ملکیت لئی اک اجیہی امت بناوے جیہڑی نیک کماں وچ سرگرم ہووے۔

9- 2 کرنتھیوں 12 باب 9 (توں پہلا) آیت

9- اوہنے مینوں آکھیا میرا فضل تیرے لئی کافی اے کیوں جے میری قدرت کمزوری وچ پوری ہندی اے

سائنس تے صحت

1- 9:589 (رب)-10 (توں ہور)، 10 (انسان)-11

رب ساری وجودیت دالہی اصول اے، تے۔۔ انسان اوہدا خیال، اوہدی حفاظت دا بچہ اے۔

2- 7:475-9-14-16 (توں؛)

کلام ساہنوں دسد اے پئی انسان رب دی صورت تے شبیہ اُتے بنایا گیا اے۔۔۔ اوہ رب دا اک مرکب خیال اے، جیدے وچ سارے ٹھیک خیال شامل نیں، ایچ دی عمومی اصطلاح جیہڑی رب دی صورت تے شبیہ دی عکاسی کردی اے؛

3- 4:332 (پو)-5

الوہیت لئی ماور پد نام اے، جیہڑا اوہدی روحانی مخلوق دے نال اوہدے پیارے رشتے ول اشارہ کردا اے۔

4- 18-17:6

”رب محبت اے۔“ ایہدے توں بوہتا اسی منگ نہیں سکدے، ایہدے توں اچا اسی ویکھ نہیں سکدے تے
ایہدے توں آگے اسی جانتیں سکدے۔

5- 23-19:333

یسوع ناصری دی آمد مسیحی دور دی پہلی صدی دا احاطہ کردی اے، پر مسیح ابتدائی ورھیاں یا اخیر دی دناں دی قید
توں بغیر اے۔ مسیحی دور توں پہلے تے بعد وچ پیڑی توں پیڑی مسیح روحانی خیال تے رب دے پر چھانویں دے
طور تے، اوہناں لوکاں لئی کجھ خاص طاقت تے فضل دے نال آیا جیہڑے مسیح یعنی سچائی نوں حاصل کرن
لئی تیار سی۔

6- 2-1:42 (توں،)

یسوع دی حیاتی نے الہی تے سائنسی طور تے ایہہ ثابت کیتا پئی رب محبت اے،

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

7- 30:35 صرف

محبت دا نمونہ پاپی دی اصلاح اے۔

8- 15:494 (دی)-19

فضل دا معجزہ محبت لئی کوئی معجزہ نہیں اے۔ یسوع نے مادیت دی نااہلیت نوں اوہدے نال نال روح دی لامحدود قابلیت نوں ظاہر کیتا، ایخ غلطی کرن والے انسانی فہم نوں خود دیاں سزاواں توں بچن تے الہی سائنس وچ تحفظ لبھن وچ مدد کیتی۔

9- 7-1:362

ایہہ لو قادی انجیل دے ستویں باب وچ ایہدے نال منسلک کیتا گیا اے پئی اک وار یسوع کسے شمعون نامی فریسی دے گھر دا خاص پر ونا بنیا، اوہ شمعون شاگرد بالکل نہیں سی۔ جدوں اوہ کھانا کھا رہے سی، اک غیر معمولی واقعہ پیش آیا جیویں پئی ایہہ مشرقی پروں چاری دے فہم وچ رکاوٹ بنیا ہووے۔ اک ”ا جنہی بڈھی“ اندر آئی۔

10- 1:363-24،31-7

اوہنے چٹاسنگ مر مرد امر تباں چکھیا ہو نیا سی جیدے وچ بوہت مہنگا تے خوشبو والا تیل سی، صندل دا تیل، شاید، جنہوں مشرق وچ عام ورتیا جاندا اے۔ اپنا مرتباں کھول کے اوہنے یسوع دے پیراں نوں تیل نال خوشبو دتی، اپنے لمے والاں نال اوہناں نوں پونجھ دیاں ہوئے، جیہڑے اوہدے موڈیاں اُتے لٹک رہے سی، جیویں پئی عام طور تے اوس عمر دیاں بڈھیاں دے ہندے نیں۔

کیہ یسوع نے اوس بڈھی نوں حقارت دی نظر نال دیکھیا؟ کیہ اوہنے اوہدی عقیدت نوں روک دتا؟ نہیں! اوہنے بوہت شفقت دے نال اوہدی تعریف کیتی۔ تے اجیہا کجھ نہیں ہو نیا سی۔ اوہ سب جان دیاں ہوئے جیہڑے اوہدے آلے دوالے کھلوتے لوک اپنے دلاں وچ سوچ رہے سی، خاص طور تے میزبان دے دل وچ، اوہ پریشان ہندے پئے سی اک نبی ہندیاں ہوئے خاص پر ونا چھیتی نال اوس بڈھی دے اخلاقی درجے نوں نہیں جانچ سکیا تے اوہنوں دور ہٹن نوں نہیں آکھیا، ایہہ سب کجھ جان دیاں ہوئے، یسوع نے اوہناں نوں اک چھوٹی جی تمثیل یا کہانی دے نال ملامت کیتا۔ اوہنے دو قرض داراں دا ذکر کیتا اک نے وڈھی رقم ادا کرنی سی تے دوجے نے تھوری، جنہاں نوں اپنے اکو سا ہو کار و لوں ایس ذمہ داری توں آزاد کیتا گیا سی۔ ”اوہناں وچوں کیہڑا اوہدے نال بوہتی محبت رکھے گا؟“ ایہہ مالک دا سوال شمعون فریسی نال سی تے شمعون نے جواب دتا، ”اوہ جنہوں اوہنے بوہتا قرض معاف کیتا۔“ یسوع نے اوس جواب دی تصدیق کیتی، تے پنج ساریاں لئی اک سبق دتا، جیدے بعد وں اوس بڈھی لئی ایہہ شاندار اعلان کیتا، ”تیرے پاپ معاف ہوئے۔“

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کئی دے نال“ وچوں لیاں ہوئیاں لازمی تحریراں نال بنیاں۔

اوہنے اوہدے الہی محبت دے قرض نوں کیوں معاف کردتا؟۔۔۔ یقینا ایس اصلیت وچ حوصلہ افزائی پائی
جاندی سی پئی اوہ اک یقینی چنگیائی تے پاکیزگی والے انسان لئی اپنا پیار ظاہر کر رہی سی، جنہوں آج تیکر زمین
دے سیارے اُتے پیر رکھن والے سب توں چنگے بندے دے طور تے جانیا گیا اے۔ اوہدی عقیدت بناوٹی
نئیں سی، تے اوہدا اظہار اوس بندے لئی ہو گیا جیہڑا جلد ای سارے پاپیاں و لوں اپنی فانی وجودیت نوں لٹاؤن
والا سی، بھانویں اوہ ایہنوں نہیں سی جان دے، تاں جوں اوہدے کلام تے کماں دے پاروں اوہ ہوس پرستی تے
پاپ توں آزاد ہو جاؤن۔

11- 31-17:364

جیویں شمعون نے مادی اعتدال پسندی تے ذاتی عقیدت دے پاروں مکتی دین والے نوں پایا کیہ مسیحی
سانسنداناں نوں وی سچائی دی اونج ای تلاش کرنی چاہیدی اے؟ یسوع نے شمعون نوں اوہناں متلاشیاں
دے بارے اوہدوں دیاجدوں اوہنے روحانی صاف دلی دے بدلے وچ اوہنوں اک چھوٹا جیا انعام دتا جیہڑا
مسیحاؤ لوں سی۔ جے مسیحی سانسنداناں شمعون وانگر نہیں، تے ایہہ اوہناں دے بارے وی آکھیا گیا ہو سکدا اے
پئی اوہ تھوڑا پیار کر دے نہیں۔

دو جے پاسے، کیہ اوہ اپنی اصل معافی، اپنے خستہ دلاں دے پاروں جنہاں توں فروتنی تے انسانی ہمدردی دا
اظہار ہندا اے، سچائی یا مسیح نال اپنی واقفیت نوں ظاہر کر دے نہیں جیویں اوس جڈھی نے کیتا؟ جے ایج
اے، تے ایہہ شاید اوہناں لئی آکھیا گیا ہووے، جیویں یسوع نے بن بلائے پر ونے دے بارے آکھیا، پئی
یقینا اوہ بوہتا پیار کر دے نہیں کیوں جے اوہناں نوں بوہتا معاف کیتا گیا اے۔

بائبل دا ایہہ سبق پلین فیلڈ کرسچن چرچ، آزاد لوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرسچن سائنس دی درسی
کتاب، ”سائنس تے صحت آیتاں دی کئی دے نال“، وچوں لیاں ہوئیاں لازمی تفسیراں نال بنیا اے۔

12- 24-23:67

فضل تے سچائی دو جے سارے ذریعاں تے طریقیاں نالوں بوہتے طاقت ورنیں۔

13- 24-15:365

جے سائنسدان الہی محبت دے پاروں اپنے مریض تیکر اپڑدالے، تے شفا سیہ کم اک ای آمد وچ مکمل ہو جاوے گا، تے بیماری اپنے آبائی عدم وچ غائب ہو جاوے گی جیویں پئی فجر دے ویلے سورج دی لوتوں پہلاں تریل ہندی اے۔ جے سائنسدان وچ اپنی خود دی معافی جتن لئی کافی مسیحی محبت تے اجیہی تعریف پائی جان دی اے جیویں مکد لینی نے یسوع توں پائی، تے سائنسی طور تے عمل کرن لئی تے ہمدردی نال مریضاں دے نال سلوک کرن لئی اوہ چنگا مسیحی اے، تے نتیجہ روحانی ارادے دے نال مطابقت رکھے گا۔

14- 6-3:455

خود کار ہلاکت تے غلطی دی ذہنی حالت یا لڑکھڑاوند تے سچائی اُتے شک کرن والا بھروسہ بیماری دی شفا لئی نامناسب حالتاں نیں۔ اجیہیاں ذہنی حالتاں طاقت دی بجائے کمزوری ول اشارہ کر دیاں نیں۔

بائبل دا ایہ سبق پلین فیلڈ کرچن پرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

15- 292:27-31

ایہہ بدنی مادی ذہنیت سیان دے ناں دا غلط استعمال، فانی اے۔ ایس لئی انسان فنا ہو جاوے گا، جیہڑا اصلی روحانی انسان دے اپنے رب دے نال ناقابل تسخیر رابطے ول اشارہ اے جنہوں یسوع لو وچ لیا یا۔

16- 476:28-5

رب دے لوکاں دے بارے، نہ کہ انسان دے بچیاں دے بارے گل کر دیاں ہوئے یسوع نے آکھیا، ”رب دی بادشاہی تہاڈے وچکار اے؛“ یعنی سچائی تے پیار اصلی انسان اتے حکومت کر دی اے، ایہہ ظاہر کدیاں ہوئے پئی انسان رب دی صورت اتے بے گناہ تے ابدی اے۔ اوس کامل بندے وچ مکتی داتا نے رب دی اپنی شبیہ تے صورت نوں ویکھیا تے انسان دے ایس ٹھیک نظریے نے بیماری نوں ٹھیک کیتا۔ ایس لئی یسوع نے تعلیم دتی پئی رب برقرار تے عالمگیر اے تے ایہہ پئی انسان پاک تے مقدس اے۔

17- 4:12-16

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

ہمیشہ چنگے بنے رہن دی عادی کوشش ہمیشہ دعائے۔ اوہدے مقصد اوہناں برکتاں توں ظاہر ہندے نیں
جیہڑیاں ایہہ لیاوندی اے، اوہ برکتاں جنساں نوں جے ناقابل سماعت لفظاں وچ وی نہ سُنیا جاوے، تے محبت
دے نال حصہ دار بنن لئی ساڈی قابلیت دی تصدیق کردیاں نیں۔

18- 9-1:26

جدوں اسی یسوع دی تعجید کردے آں، تے جو کجھ اوہنے انسان لئی کیتا اے اوہدے پاروں ساڈا دل شکر نال
بھر جاندا اے، جلال دے تخت اُتے اوہدے شفیق رستے اُتے کُلے پیر رکھدیاں ہوئیاں، ساڈے لئی بیان نہ
کیتی جاوے والی تکلیف وچ راہ ہموار کردیاں ہوئیاں، یسوع ساڈے لئی صرف اک انفرادی تجربہ محفوظ نہیں
رکھدا، جے اسی وفاداری دے نال اوہدے حکماں مگر ٹردے آں، تے سارے غمگین جدوجہد داپیالہ لیندے
آں تاں جوں اوہدے نال اپنی محبت دے اظہار دے تناسب وچ پین، جدوں تیکر پئی سارے الہی محبت دے
پاروں مکتی نہ پالین۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور دار ہووے گا۔

چرچ مینوئیل، آرٹیکل VIII، سیکشن 6۔